



UNIVERSITÄTS-
BIBLIOTHEK
PADERBORN

Valerii Andreae Desselii Erotemata Ivris Canonici

Andreas, Valerius

Francofurti & Lipsiae, 1720

XIX. De rerum permutatione.

[urn:nbn:de:hbz:466:1-63277](https://nbn-resolving.org/urn:nbn:de:hbz:466:1-63277)

De Rerum Permutatione.

TIT. XIX.

Contractibus innominatis accensetur Permutatio : quæ licet proprium nomen habere videatur, non est tamen illud nomen proprium contractus, quod certam contractus speciem & naturam significet, ut est Emtio, Locatio &c.

1. *Quid est Permutatio ?*

Est contractus innominatus, quo convenit, ut pro re una detur alia, sive species, sive genus, sive quantitas. Nam ita quoque contrahi permutationem posse verius est, ut etiam species pro genere, vel genus pro genere detur, vel quantitas pro quantitate, veluti decem modii frumenti pro decem doliis vini.

2. *Quæ ergo res permutari possunt ?*

Omnes omnino, quæ sunt in commercio hominum, nec permutari prohibentur, etiam res corporales cum incorporalibus, dummodo mere temporales sint, v. gr. fundus compensatione annua.

○ 2

3. *An*

3. *An res Ecclesie?*

Regulariter non licet res Ecclesie permutare, sive immobiles sint, sive mobiles, quæ servando servari possunt: nisi ex justa causa, & servata solemnitate, alias ad alienationem rerum Ecclesie requisita, quia permutatio est species alienationis.

4. *Licetne rem spiritualem permutare pro alia re spirituali?*

Licet: veluti duæ Ecclesie parochiales duobus monasteriis adnexæ possunt *c. 9. in fin. b. t.* inter se permutari, etiam permutatis earum possessionibus, & adjecta certa summa pecuniæ ad æqualitatem proveniuntur compensandam.

c. 5. in fine b. t. *An igitur licebit Clericis etiam beneficiis sua inter se permutare?*

Nequaquam; nisi auctoritate Superioris, præterea prioris interveniente, ut Episcopi, *c. 9. sup. De cognoscat, an justa sit causa admittenda transact. dæ permutacionis.* Alias quamvis *l. 1. in fine* re spirituali, id est, beneficio, detur *D. De permut. Gl.* tamen aliquid adjunctum temporale, *in c. Cum olim. 7. V.* adnexi etiam contrahi Simoniam *definitivam, b. t.* stat. Est enim permutatio vicina

ptioni venditioni: constat autem spiritualia vendi non posse, ergo neque permutari. Constat item, in rebus alienis nullam contrahi permutationem; beneficia vero non esse beneficiorum propria, sed solius Ecclesiæ, & usum nudum duntaxat concedi Clericis.

De Feudis.

TIT. XX.

Contractibus innominatis sunt, qui annumerant Feudum: obtinuit tamen esse contractum nominatum, & nomen suum accepisse a consuetudine.

1. *Quid est Feudum?*

Feudum est benevola & libera rei immobilis vel equipollentis concessio, cum domini utilitatis translatione, dominio directo remanente penes concedentem: ea lege, ut vasallus in licitis & honestis fidelitatem promittat & præstet domino suo, a quo feudum accipit.

2. *Quotuplex est Feudum?*

Multiplex: aliud Proprium sive Rectum & Improprum; aliud Antiquum, Paternum; Novum; aliud Ligium & non ligium; aliud Seculare & Ecclesiasticum &c.

O 3

3. *Qui*